

333.

Na osnovu člana 16. stav 1. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona" broj 7/10) i člana 35. stav (2) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14), na prijedlog Ministarstva za boračka pitanja, Vlada Zeničko-dobojskog kantona, na 172. sjednici održanoj dana 10.07.2014.godine, d o n o s i

U R E D B U

O NAKNADI TROŠKOVA PODIZANJA NIŠANA/NADGROBNOG SPOMENIKA

DIO PRVI - OPĆE ODREDBE

Član 1.

(Predmet Uredbe)

Ovom Uredbom utvrđuju se uvjeti, način i postupak ostvarivanja prava na naknadu troškova podizanja nišana/nadgrobnog spomenika pripadniku Oružanih snaga Republike Bosne i Hercegovine, koji je poginuo ili umro kao učesnik u odbrani Bosne i Hercegovine u proteklom odbrambeno-oslobodilačkom ratu, a koji je sahranjen:

- a) na području Zeničko-dobojskog kantona (u daljnjem tekstu: Kanton);
- b) na području Republike Srpske, ukoliko je početkom agresije na Bosnu i Hercegovinu imao prebivalište na području Kantona.

Član 2.

(Korisnik prava)

Naknadu troškova po ovoj Uredbi može ostvariti član porodice ili drugo lice koje je vlastitim sredstvima izvršilo podizanje nišana - nadgrobnog spomenika šehidu/poginulom braniocu iz člana 1. ove Uredbe.

Član 3.

(Korištenje pojma i dokazivanje statusa)

(1) Pojam šehid/poginuli branilac korišten u ovoj Uredbi, označava lice koje je poginulo ili umrlo, pod uvjetima i okolnostima utvrđenim članom 2. i 3. Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10), odnosno umrlo do 23.12.1996. godine od posljedica rane, povrede ili bolesti zadobijene pod uvjetima i okolnostima iz člana 3. istog Zakona.

(2) Kao dokaz o statusu šehida/poginulog branioca u smislu ove Uredbe koristi se uvjerenje nadležnog federalnog ministarstva o svojstvu (pripadnosti), načinu i okolnostima stradanja pripadnika Oružanih snaga RBiH.

Član 4.

(Visina naknade)

Naknada troškova po ovoj Uredbi odobrava se u visini jedne i po prosječne neto plaće isplaćene u Federaciji Bosne i Hercegovine u prethodnoj godini, prema podacima Zavoda za statistiku Federacije Bosne i Hercegovine.

DIO DRUGI - POSTUPAK OSTVARIVANJA PRAVA

Član 5.

(Podnošenje zahtjeva)

- (1) Zahtjev za naknadu troškova podizanja nišana/nadgrobnog spomenika zainteresovano lice podnosi općinskoj službi nadležnoj za poslove branilačko-invalidske zaštite na području kojeg je izvršeno podizanje nišana/nadgrobnog spomenika ili na kojem je šehid/poginuli branilac imao prebivalište na početku agresije na Bosnu i Hercegovinu (u daljnjem tekstu: općinska služba).
- (2) Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Član 6.

(Potrebna dokumentacija)

Uz zahtjev za naknadu troškova po ovoj Uredbi, podnosilac prilaže slijedeće dokumente:

- a) smrtni list i dokaz o statusu šehida/poginulog branioca za lice kojem je nišan/nadgrobnog spomenik podignut;
- b) dokaz o srodstvu sa šehidom/poginulim braniocem;
- c) uvjerenje o prebivalištu umrlog lica na području Kantona;
- d) ovjerenu izjavu roditelja, udovice i djece šehida/poginulog branioca o izvršenom podizanju nišana/ nadgrobnog spomenika;
- e) ostale dokaze o podizanju nišana/ nadgrobnog spomenika (računi i dr.).

Član 7.

(Postupak po zahtjevu)

- (1) U postupku po zahtjevu za naknadu troškova po ovoj Uredbi, općinska služba je dužna isti razmotriti, izvršiti potrebne provjere podnesene dokumentacije i pribaviti pismeno mišljenje udruženja porodica šehida/poginulih branilaca o opravdanosti istog.
- (2) Zahtjev sa prijedlogom za prihvatanje ili odbijanje zahtjeva i kompletnom dokumentacijom, općinska služba dostavlja Ministarstvu, u roku od 15 dana od dana prijema zahtjeva.

Član 8.

(Odluka)

- (1) O odobravanju isplate sredstava ili odbijanju zahtjeva odlučuje ministar Ministarstva.
- (2) Na osnovu saglasnosti Ministarstva o odobravanju isplate, općinska služba donosi rješenje.
- (3) O žalbi na rješenje općinske službe rješava Ministarstvo.

DIO TREĆI - ZAVRŠNE ODREDBE

Član 9.

(Sredstva za ostvarivanje prava)

Sredstva za realizaciju prava branilaca i članova njihovih porodica po ovoj Uredbi osiguravaju se u Budžetu Kantona u skladu sa prilivima sredstava.

Član 10.

(Dostava i pravdanje sredstava)

- (1) doznačenim sredstvima za isplatu novčane pomoći općinska služba obavještava korisnike i istim vrši isplatu putem tekućih ili žiro računa.
- (2) Općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

Član 11.

(Evidencija i obrasci)

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

Član 12.

(Stavljanje Odluke van snage)

Danom stupanja na snagu ove Uredbe prestaje važiti Odluka o naknadi troškova podizanja nišana/nadgrobnog spomenika ("Službene novine Zeničko-dobojskog kantona" broj 20/07).

Član 13.

(Stupanje na snagu i objavljivanje Uredbe)

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Broj: 02-14-14131/14.

Datum, 10.07.2014. godine

Zenica

PREMIJER**Munib Husejnagić, dipl.ing.maš., s.r.****334.**

Na osnovu člana 16. stav 1. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10) i člana 37. stav (5) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14) na prijedlog Ministarstva za boračka pitanja, Vlada Zeničko-dobojskog kantona, na 172. sjednici, održanoj dana 10.07.2014. godine, d o n o s i

U R E D B U**O NAKNADI TROŠKOVA DŽENAZE/SAHRANE
BRANILACA I ČLANOVA NJIHOVIH PORODICA**

DIO PRVI - OPĆE ODREDBE

Član 1.

(Predmet Uredbe)

Ovom Uredbom utvrđuju se uvjeti, način i postupak ostvarivanja prava na naknadu troškova dženaze/sahrane branilaca i članova njihovih porodica sa prebivalištem na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

333.

Na temelju članka 16. stavak 1. Zakona o Vladi Zeničko-dobojskog kantona-Pročišćeni tekst ("Službene novine Zeničko-dobojskog kantona" broj 7/10) i članka 35. stavak (2) Zakona o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14), na prijedlog Ministarstva za braniteljska pitanja, Vlada Zeničko-dobojskog kantona, na 172. sjednici održanoj dana 10.07.2014.godine,
d o n o s i

U R E D B U

O NAKNADI TROŠKOVA PODIZANJA NIŠANA/NADGROBNOG SPOMENIKA

DIO PRVI - OPĆE ODREDBE

Članak 1. (Predmet Uredbe)

Ovom Uredbom utvrđuju se uvjeti, način i postupak ostvarivanja prava na naknadu troškova podizanja nišana/nadgrobnog spomenika pripadniku Oružanih snaga Republike Bosne i Hercegovine, koji je poginuo ili umro kao učesnik u odbrani Bosne i Hercegovine u proteklom odbrambeno-oslobodilačkom ratu, a koji je sahranjen:

- a) na području Zeničko-dobojskog kantona (u daljnjem tekstu: Kanton);
- b) na području Republike Srpske, ukoliko je početkom agresije na Bosnu i Hercegovinu imao prebivalište na području Kantona.

Članak 2. (Korisnik prava)

Naknadu troškova po ovoj Uredbi može ostvariti član obitelji ili druga osoba koja je vlastitim sredstvima izvršila podizanje nišana - nadgrobnog spomenika šehidu/poginulom branitelju iz članka 1. ove Uredbe.

Članak 3. (Korištenje pojma i dokazivanje statusa)

(1) Pojam šehid/poginuli branitelj korišten u ovoj Uredbi, označava lice koje je poginulo ili umrlo, pod uvjetima i okolnostima utvrđenim člankom 2. i 3. Zakona o pravima branitelja i članova njihovih obitelji ("Službene novine Federacije Bosne i Hercegovine" broj 33/04, 56/05, 70/07 i 9/10), odnosno umrlo do 23.12.1996. godine od posljedica rane, povrede ili bolesti zadobijene pod uvjetima i okolnostima iz članka 3. istog Zakona.

(2) Kao dokaz o statusu šehida/poginulog branitelja u smislu ove Uredbe koristi se uvjerenje mjerodavnog federalnog ministarstva o svojstvu (pripadnosti), načinu i okolnostima stradanja pripadnika Oružanih snaga RBiH.

Članak 4. (Visina naknade)

Naknada troškova po ovoj Uredbi odobrava se u visini jedne i po prosječne neto plaće isplaćene u Federaciji Bosne i Hercegovine u prethodnoj godini, prema podacima Zavoda za statistiku Federacije Bosne i Hercegovine.

DIO DRUGI - POSTUPAK OSTVARIVANJA PRAVA

Članak 5. (Podnošenje zahtjeva)

- (1) Zahtjev za naknadu troškova podizanja nišana/nadgrobnog spomenika zainteresirana osoba podnosi općinskoj službi mjerodavnoj za poslove braniteljsko-invalidske zaštite na području kojeg je izvršeno podizanje nišana/nadgrobnog spomenika ili na kojem je šehid/poginuli branitelj imao prebivalište na početku agresije na Bosnu i Hercegovinu (u daljnjem tekstu: općinska služba).
- (2) Zahtjev iz stavka (1) ovog članka podnosi se na posebnom obrascu kojeg propisuje ministar Ministarstva za braniteljska pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Članak 6. (Potrebna dokumentacija)

Uz zahtjev za naknadu troškova po ovoj Uredbi, podnositelj prilaže sljedeće dokumente:

- a) smrtni list i dokaz o statusu šehida/poginulog branitelja za osobu kojoj je nišan/nadgrobnik spomenik podignut;
- b) dokaz o srodstvu sa šehidom/poginulim braniteljem;
- c) uvjerenje o prebivalištu umrle osobe na području Kantona;
- d) ovjerenu izjavu roditelja, udovice i djece šehida/poginulog branitelja o izvršenom podizanju nišana/ nadgrobnog spomenika;
- e) ostale dokaze o podizanju nišana/ nadgrobnog spomenika (računi i dr.).

Članak 7.
(Postupak po zahtjevu)

- (1) U postupku po zahtjevu za naknadu troškova po ovoj Uredbi, općinska služba je dužna isti razmotriti, izvršiti potrebne provjere podnesene dokumentacije i pribaviti pismeno mišljenje udruge obitelji šehida/poginulih branitelja o opravdanosti istog.
- (2) Zahtjev sa prijedlogom za prihvatanje ili odbijanje zahtjeva i kompletnom dokumentacijom, općinska služba dostavlja Ministarstvu, u roku od 15 dana od dana prijema zahtjeva.

Članak 8.
(Odluka)

- (1) O odobravanju isplate sredstava ili odbijanju zahtjeva odlučuje ministar Ministarstva.
- (2) Na osnovu suglasnosti Ministarstva o odobravanju isplate, općinska služba donosi rješenje.
- (3) O žalbi na rješenje općinske službe rješava Ministarstvo.

DIO TREĆI - ZAVRŠNE ODREDBE

Članak 9.
(Sredstva za ostvarivanje prava)

Sredstva za realizaciju prava branitelja i članova njihovih obitelji po ovoj Uredbi osiguravaju se u Proračunu Kantona sukladno prilikama sredstava.

Članak 10.
(Dostava i pravdanje sredstava)

- (1) doznačenim sredstvima za isplatu novčane pomoći općinska služba obavještava korisnike i istim vrši isplatu putem tekućih ili žiro računa.
- (2) Općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

Članak 11.
(Evidencija i obrasci)

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

Članak 12.
(Stavljanje Odluke izvan snage)

Danom stupanja na snagu ove Uredbe prestaje važiti Odluka o naknadi troškova podizanja nišana/nadgrobnog spomenika ("Službene novine Zeničko-dobojskog kantona" broj 20/07).

Članak 13.
(Stupanje na snagu i objavljivanje Uredbe)

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Broj: 02-14-14131/14.

PREMIJER

Datum, 10.07.2014. godine

Zenica

Munib Husejnagić, dipl.ing. stroj., v.r.

.....

334.

Na temelju članka 16. stavak 1. Zakona o Vladi Zeničko-dobojskog kantona-Pročišćeni tekst ("Službene novine Zeničko-dobojskog kantona", broj 7/10) i članka 37. stavak (5) Zakona o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14) na prijedlog Ministarstva za braniteljska pitanja, Vlada Zeničko-dobojskog kantona, na 172. sjednici, održanoj dana 10.07.2014. godine,
d o n o s i

U R E D B U
O NAKNADI TROŠKOVA DŽENAZE/SAHRANE
BRANITELJA I ČLANOVA NJIHOVIH OBITELJI

DIO PRVI - OPĆE ODREDBE

Članak 1.
(Predmet Uredbe)

Ovom Uredbom utvrđuju se uvjeti, način i postupak ostvarivanja prava na naknadu troškova dženaze/sahrane branitelja i članova njihovih obitelji sa prebivalištem na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz braniteljsko-invalidske zaštite u općinama Kantona i koji su na evidenciji mjerodavnog organa za vojne evidencije u općinama Kantona.